

佛說未生冤經

甚

吳月支國居士支謙譯

聞如是一時佛在王舍國鷄山中諸天龍鬼神帝王臣民皆詣佛所稽首承風供養之儀靡不盡禮調達觀之其嫉無量還告太子未生冤曰汝父輦國象寶以貢佛諸沙門國截空竭可早圖之即位為王吾當與師往征佛也子可為王吾當為佛兩得其所不亦善乎子必成之未生冤與調達結斯陰謀已則勅秉勢臣令勒兵王還奪其印綬以付獄王還臣即如命以王付獄王意恬然照之宿殃心無恐懼重信佛言王曰吾有何過而罪我乎皇后貴人率土巨細莫不哀慟王顧謂哭者曰佛說天地日月須彌山海有成必敗盛者即衰合會有離生者必死由之憂悲輪轉無際以致重苦尋其原察其始因緣合會即有謂之生因緣離散即滅謂之空夫身者四大耳衆生魂靈寄處其中死還其本魂靈空去謂之非身身尚不保何

佛說未生冤經 第三卷 甚

國之常守乎佛初入國吾未有子也問吾寧知當來王不乎吾對曰不知世尊重曰一切無常汝諦思之佛之誠我正為今也各努力建志懷存佛誠矣王謂太子曰汝每有疾吾為懺心欲以身命救危代汝親之仁恩唯天為上汝懷何心忍為逆惡乎夫然親者死入太山不中止息汝將當之也吾是汝尊重親尊孝尚恐名不稱豈况然父乎以國惠汝吾欲至佛所作沙門吾觀姪姪猶火燒身女類之好以為虛空無目之徒靡不惑焉唯觀佛經照女偽之尤惡知榮利之害身太子曰汝莫多云吾獲宿願豈有救哉勅獄吏曰絕其餉食以餓煞之有司將入獄泚沙王向佛所在稽首重拜曰子有天地之惡吾無絲髮之忿心矣唯存佛教世無常樂其苦有長入獄被髮仰天呼曰痛乎天豈有斯道哉后妃貴人舉國巨細靡不哀慟后謂太子曰大王掠桎梏處牢獄坐卧須人其痛難言自汝生來大王赤心懸情于汝食息不忘四大盈縮

佛說未生冤經 第四卷 甚

枕伏臨汝涕泗交并心焦體枯欲以身命代余殞矣當存天人之育無為逆也佛說經云夫善之極者莫大於孝惡之大者其唯害親乎長幼相事天當枯之豈况親哉汝順凶虐為斯重惡必入太山世間六十億年為太山一日一夕所更諸毒每處有年汝其畢之不亦難乎夫快心之士無不後悔太子曰吾少小有志然父為王今日獲願何諫之云乎后曰夫不用諫者亡國之基矣吾欲見大王寧可不乎太子曰可后淨身澡浴以蜜麩塗身入見大王面頰瘦瘠不識舉哀聞之者莫不揮淚后曰佛說榮樂無常罪苦有恒王曰獄吏絕餉食飢渴日久身八万户有數百種重擾吾腹中血肉消盡壽命且窮矣言之哽咽息絕復連后曰具照斯艱妾以麩塗身身可就食之當惟佛誠無忽也王食畢向佛所在哽咽稽首曰佛說榮福難保如幻如夢誠如尊教謂后曰吾為王時國土廣大衣食從好而今處獄當就餓死子所從得殊逆之師

佛說未生冤經 第四張 甚
違佛仁教吾不懼死唯恨不面稟佛

清化與鷲鷲子目連大迦葉講尊
道與耳王重謂后曰佛說恩愛猶若
衆鳥會栖于樹晨各離散隨其殃福
目連衆垢已除諸惡已滅得于六通
四達尚為貪嫉梵志所捶豈况吾哉
為殃惡退人猶影尋身響之應聲佛
時難遇神化難聞賢衆行高儀式無
量非世儒所能履行懷佛經典以仁
化民獲供養之福稟其清化誠亦難
值哉吾今死矣速神遠逝夫欲建志
莫尚佛教也汝慎守之防來禍矣后
聞王誠重又哀慟太子詰獄吏曰絕
王食有日不死何為對曰皇后入獄
有麩齋之貢以延王命太子曰自今
莫令后見王王飢勢起向佛所在稽
首即為不飢夜時為明太子聞之令
塞窓牖削其足底無令得起而觀佛
明有司即削足底其痛無量念佛不
忘佛運為說經曰夫善惡行殃福歸
身可不慎矣瓶沙王對曰若當支解
寸斬於體終不念惡世尊重曰吾今
為如來無所著正真道取正覺道法

佛說未生冤經 第五張 甚
御天人師三千大千日月天神鬼龍

靡不稽首宿之餘殃于今不釋豈况
九庶王受天中天恩具照宿殃不敢
愠望不懼大山燒煮之罪中心在佛
及諸弟子坐卧敢忽即又手稽首今
日命絕永替神化嗚呼哽咽斯須息
絕舉國臣民靡不躑躅呼天奈何瓶
沙王即得道迹上生天上三道門塞
諸苦都滅矣
佛說未生冤經

癸卯歲高麗國大藏都監奉
勅彫造

佛說未生冤經

校勘記

- 一 底本，麗藏本。
- 一 二二二頁上一行經名，[資]、[磧]、[普]、[南]、[徑]、[清]作「未生怨經」。
- 一 二二二頁上二行譯者，[資]作「吳支謙譯」；[磧]、[南]、[徑]、[清]作「吳月支國優婆塞支謙譯」。
- 一 二二二頁上五行第一一字「調」，[清]作「謂」。
- 一 二二二頁上六行及一〇行「未生冤」，[資]、[磧]、[普]、[南]、[徑]、[清]作「未生怨」。
- 一 二二二頁上一行末字「王」，[南]作「三」。
- 一 二二二頁上一二行「其印」，[徑]作「其即」。
- 一 二二二頁上末行第一三字「不」，諸本作「不可」。
- 一 二二二頁中六行第六字「救」，[資]、[磧]、[普]、[南]、[徑]、[清]作「受」。

一 二二二頁中二〇行第一〇字「巨」，
清作「至」。

一 二二二頁下一行首字「枕」，
資、
磧、普、南、徑、清作「旃」。

一 二二二頁下四行第五字「者」，
資、
磧、普、南、徑、清無。

一 二二二頁下一八行第一〇字「艱」，
資、磧、普、南、徑、清作「難」。

一 二二三頁上八行「神化」，
南作「佛
化」；
徑、清作「佛法」。同行第一
三字「式」，
資作「試」。

一 二二三頁上九行「世儒」，
徑、清作
「世俗」。

一 二二三頁中四行「大山」，
資、磧、
普、南、徑、清作「太山」。

一 二二三頁中五行第八字「忽」，
資、
磧、普、南、徑、清作「忘」。

一 二二三頁中六行「那呬唵咽」，
資、
普作「那呬唵噎」；
磧、南作「那呬
唵咽」；
徑、清作「那呬唵噎」。

一 二二三頁中末行卷末經名，
資、
磧、普作「未生怨經一卷」；
南、徑、

清作「未生怨經」。